

後漢書疏證

後漢書疏證卷十七

吳 沈欽韓撰

東海郡

地形志後漢爲國據東海恭王所封則郡字當作國魏志東海爲國又按魏志建安三年以利城縣爲利城郡以昌慮縣爲昌慮郡

郟

通典漢郟縣故城在泗州下邳縣北

元和志縣東北百五十里通鑑

興平元年曹操使司馬荀彧壽張令程昱守鄆城復往攻陶謙所過殘滅還擊破劉備于郟東魏志陶謙傳初

平四年太祖征謙攻拔十餘城至彭城大戰謙兵敗走  
死者萬數泗水爲之不流謙退守郟據此則漢季刺史  
不治郟也范書呂布傳時劉備領徐州居下邳蜀志先  
主與袁術相持呂布乘虛襲下邳下邳守將曹豹反迎  
布布自號徐州牧曹操禽布于下邳是刺史白郟移治  
下邳也沈魏二志至魏移治彭城

### 蘭陵

通典蘭陵縣故城在今沂州承縣東

元和志在縣東六十里

地形

志蘭陵縣有石城山通鑑咸和元年彭城內史劉續復  
據蘭陵石城石贍攻拔之

厥

按其地當在徐州滕縣南

胸

通典海州胸山縣漢胸縣故城在今縣西南

寰宇記今縣西九十

里故胸城是梁于今縣北二里琅邪故城置招遠縣屬琅邪郡後魏改爲胸縣周武帝改琅邪爲胸山郡改胸縣爲胸山縣碩護湖在縣南一百四十二里元和志龍且故城在胸山縣南六十里地形志東彭城郡有龍沮縣通鑑泰豫元年以垣崇祖行徐州事徙成龍沮卽此城也胡三省因地形志龍沮有卽丘城又以爲琅邪之卽丘縣者非琅邪自有卽丘縣水經注淮水于淮浦縣枝分北爲游水

歷胸縣與沐合又逕胸山西山側有胸縣故城秦始皇三十五年于胸縣立石海上以爲秦之東門東北海中

有大洲謂之郁州通鑑隆安五年孫恩整兵向京師至  
 新州不敢進浮海北走郁州甯朔將軍高雅之擊恩于  
 郁洲為恩所執泰始三年魏之入彭城也垣崇祖將部  
 曲奔胸山據之遣使來降蕭道成以為胸山戍主胸山  
 瀕海孤絕人情未安崇祖浮舟水側欲有急則逃入海  
 魏東徐州刺史成因公戍園城胡三省云魏置南青州  
園城當在唐沂州沂  
水縣界今地形志為崇祖部將有罪亡降魏成因公遣  
 步騎二萬襲胸山去城二十里崇祖方出送客城中人  
 驚懼皆下舫欲去崇祖還謂腹心曰虜非有宿謀乘叛  
 者之言而來耳易誑也今得百餘人還事必濟但人情

一駭不可斂集卿等可亟去此一里外大呼而來云艾塘義人已得破虜須戍軍速往相助逐之舟中人果喜爭上岸崇祖引入據城遣羸弱入島人持兩炬火登山鼓譟魏參騎以爲軍備甚盛乃退

### 襄賁

通典漢襄賁縣故城在今沂州臨沂縣南水經注沐水左瀆自大堰水斷故瀆東南出桑堰水注之水出襄賁縣泉流東注沐瀆又南左合橫溝水魏志興平元年陶謙將曹豹與劉備屯郟東要太祖太祖擊破之遂攻拔襄賁所過多殘戮

昌慮

通典徐州滕縣東南卽漢昌慮縣寰宇記濫城在滕縣東南五十九里卽漢之昌慮縣後漢建安中曾于此置昌慮郡地形志昌慮縣有桃山通鑑咸安元年秦後軍將軍俱難攻蘭陵太守張閔子于桃山大司馬溫遣兵擊卻之

承

舊唐志沂州承縣漢縣隋蘭陵縣武德四年改

隋志蘭陵舊曰

承

元和志抱犢山在縣北六十里壁立千仞頂寬而有

水此山去海三百餘里天氣澄明宛然在目昔有遁隱

者抱一犢于其上墾種故以爲名

陰平

寰宇記漢陰平縣城在海州沭陽縣西北六十里晉武帝封魯芝此城通鑑初平四年前太尉曹嵩避難在琅邪其子操令泰山太守應邵迎之嵩輜重百餘兩陶謙別將守陰平士卒利嵩財寶掩襲嵩于華費間殺之并少子德秋

利城

寰宇記漢利城縣故城在今海州懷仁縣西六十里後漢獻帝曾于此立郡魏志臧霸傳太祖以吳敦爲利城



太守文帝紀黃初六年利城郡兵蔡方等以郡反殺太守徐質呂虔傳討利城叛賊斬獲有功通鑑推郡人唐咨爲主詔屯騎校尉任福等討平之咨自海道亡入吳吳人以爲將軍

晉志仍爲縣屬東海郡

### 合鄉

寰宇記徐州沛縣有合鄉城古互鄉之地

按杜豫襄十一年注泗水

出東海合鄉縣至高平湖陸縣入泗寰宇記泗水出沂州費縣西南連青山下然則合鄉城當在費縣西南

地形志蘭陵郡合鄉縣有三孤山魏志張遼傳圍昌豨

于東海遼單身上三公山入豨家拜妻子豨歡喜隨詣

太祖三孤山當卽三公山

前志晉志俱作合鄉此不應作合城蓋刊本之訛

祝其

寰宇記故祝其縣城在海州懷仁縣南四十二里通典

懷仁縣東魏置義塘郡有夾山卽夾谷

新唐志利城祝其二縣武德入

年省入懷仁

水經注游水又北歷羽山西北逕祝其縣故城

西縣之東有夾口浦

厚丘

通典海州沐陽縣漢厚丘縣地

寰宇記今縣北四十里厚邱故城在是

經注沐水南逕厚丘縣分爲二瀆一瀆西南出今無水

世謂之枯沐一瀆南逕建陵縣故城又南逕建陵山西

魏正光中齊王鎮徐州立大塢遏水西流兩瀆之會置

城防之曰曲沫戍自塌流三十里西注沫水舊瀆謂之  
新渠舊瀆自厚丘西南出左會新渠

贛榆

通典海州東海縣漢贛榆縣宋明帝泰始以後青冀二

州僑立于此

以前青州治東陽城冀州治歷城縣

東魏于此置臨海鎮

元和

志俗謂之鬱洲亦謂之田橫島小隔山在縣北六十里田橫避漢所居之山其山三面絕壁皆百餘仞惟東南一道略容行人竇宇記郡國縣道記云贛榆故城在懷

田橫固是也

仁縣東北三十一里一名鹽倉城

地形志義塘郡歸義縣有鹽倉

曹魏

時省晉太康中復立水經注游水又東北逕贛榆縣北  
東側巨海有秦始皇碑在山上

琅邪國

魏志琅邪仍爲國又建安四年分琅邪爲城陽郡魏氏  
春秋作初平三年魏志又云建安十一年割東海之襄  
賁郟戚以益琅邪省昌慮郡水經注魏文帝黃初中立  
東莞縣爲東莞郡按魏志臧霸傳太祖以尹禮爲東莞  
太守則東莞立郡在建安三年晉志又云東莞郡太康  
中置按胡質傳黃初中遷東莞太守在郡九年夏侯元  
傳注張緝以東莞太守召晉書宗室傳下邳獻王晃魏  
時出爲東莞太守州郡志云咸甯二年復以東莞郡合  
琅邪太康十年復立蓋晉志及地形志俱據後立者言

之耳

開陽

通典漢開陽縣故城在今沂州臨沂縣南

寰宇記縣北十五里魏

志臧霸傳黃巾起霸從陶謙擊破之拜騎都尉遂收兵于徐州與孫觀吳敦尹禮等並聚眾霸爲帥屯于開陽曹仁傳從攻華費卽墨開陽謙遣別將救諸縣仁擊破之

東武

通典密州諸城縣漢東武縣樂府有東武吟水經注淮水東北過東武縣縣因岡爲城城周二十里又北左合

扶淇之水

地形志東武郡有扶淇縣

水出西南常山東北流注濰盧

山在東武縣故城東南有盧水水側有勝火木

元和志濰水故

堰在縣東北四十六里

### 琅邪

寰宇記琅邪縣故城在今密州諸城縣東南一百六十

里曹魏省并東武

晉志無琅邪縣

水經注琅邪臺在城東南十

里孤立特顯出于眾山上下周二十里餘傍濱巨海地

形志平昌郡琅邪縣二漢屬琅邪晉罷有管甯墓

### 東莞

元和志沂州沂水縣本漢東莞縣穆陵山在縣北一百

九十里大峴山在縣北一百九十里水經注沂水東南  
逕東莞縣故城西東燕錄謂之團城鄆亭在團城東北  
四十里又沐水出大弁山與小泰山連麓而異名引控  
眾流積以成川東南流逕邳鄉南去縣八十許里城有  
三面而不周于南故俗謂之半城沐水東南流左合峴  
水之北出大峴山伍緝之從征記曰大峴去半城八十里直度山二十五里崖峻峭石徑幽危四岳三塗不是過也按公孫五樓請南燕主超斷大峴道當在此縣又青州臨朐縣有破車峴水經注所云朱虛城西長坂遠峻名爲破車峴則已在臨朐非燕所爭之險要隋志涇臨朐縣有大峴山誤元和志爲是  
通鑑義熙五年劉裕伐南燕或謂裕曰燕人若塞大峴  
之險監壁清野大軍深入不惟無功將不能自歸奈何

裕曰吾慮之熟矣鮮卑貪婪不知遠計進利虜獲退惜  
禾苗謂我孤軍遠入不能持久不過進據臨朐退守廣  
固必不能守險清野敢爲諸君保之南燕主超聞有晉  
師引羣臣會議征虜將軍公孫五樓曰吳兵輕果利在  
速戰不可爭鋒宜據大峴使不得入曠日延時沮其銳  
氣然後徐簡精騎二千循海而南絕其糧道別敕段暉  
帥兗州之眾緣山東下腹背擊之此上策也各命守宰  
依險自固校其資儲之外餘悉焚蕩芟除禾苗使敵無  
所資彼僑軍無食求戰不得旬月之間可以坐制此中  
策也縱賊入峴出城逆戰此下策也超曰不如縱使入



峴以精騎蹂之何憂不克廣甯王賀賴盧苦諫不從退  
謂五樓曰必若此亡無日矣劉裕過大峴燕兵不出裕  
舉手指天喜形于色曰虜入吾掌中矣六月裕至東莞  
泰始四年分徐州置東徐州以輔國將軍張謏爲刺史  
魏尉元遣使說謏謏以團城降魏魏以中書侍郎高閭  
與謏對爲東徐州刺史

西海

當爲海曲通典漢海曲縣故城在今密州莒縣東

元和志縣東一百六十

十里寰宇記十三州志云海曲縣在開陽東一百三十

里蓋在海州東海縣西界與臨沂接境漢故利城側近

水經注諸縣之東爲海曲縣按彪志作西海者誤也

寰宇

諸  
記引博物志海曲縣有東呂鄉東呂里太  
公望所出與劉昭注同明刊本傳寫之訛

通典漢諸縣故城在今密州諸城縣西南

元和志縣西三十里水

經注濰水東北逕諸縣故城西濰水又東北涓水注之  
水出馬耳山山高百丈上有二石並舉望齊馬耳故世  
取名東去常山三十里通鑑義熙四年秦王興還南燕  
主超母妻超親率六宮迎于馬耳關

莒

舊唐志密州莒縣漢縣水經注莒縣城三重並悉崇峻  
惟南開一門城方十二里郭周四十許里沐水又南與

葛陂水會水發三柱山西南流逕辟土城南世謂之辟陽城英雄記曰東海蕭建爲琅邪相治莒保城自守不與呂布通布與建書曰天下舉兵本以誅董卓耳布殺董卓來詣關東欲求兵西迎大駕光復洛京諸將自還相攻莫肯念國布五原人也去徐州五千餘里乃在天西北角今不來共爭天東南之地莒與下邳相去不遠宜當共通君如自遂以爲郡郡作帝縣自王也布雖非樂毅君亦非田單可取布書與智者詳共議之建得書卽遣主簿齎牋上禮貢良馬五匹南燕載記慕容德進據琅邪寇莒城守將任安委城而遁以潘聰鎮莒城通鑑

魏爲徐州刺史鎮莒城

齊郡太守辟閭渾懼將妻子奔于魏德遣射聲校尉劉綱追斬于莒城慕容超卽位以段宏爲徐州刺史慕容法與慕容鎮段宏謀反超遣慕容鎮等攻青州慕容昱等攻徐州慕容凝韓範攻梁父州兗昱等攻莒城拔之段宏奔于魏

### 東安

隋志沂州有東安縣唐蓋罷入沂水縣寰宇記後魏孝文帝于此置新泰縣隋開皇四年改爲東安縣十六年又于古蓋城別置東安縣而此改名沂水縣水經注沂水南逕東安縣故城東而南合時密水水出時密山春

秋時莒地左傳共仲及密而死是也魏志杜畿傳注傅子曰畿與太僕李恢東安太守郭智有好胡三省據此以爲魏時分琅邪之東安爲郡然沈魏二志俱云東安郡晉惠帝置

晉志元康七年分東莞郡置

疑彼之所云東安太守是

東莞之誤

陽都

通典漢陽都縣故城在今沂州沂水縣南水經注沐水自陽都縣又南會武陽溝水水東出倉山山上有故城世謂之監官城非也卽古有利城通鑑永和三年燕太原王恪招撫段龕諸城龕所署徐州刺史王騰舉城降

恪命騰以故職還屯陽都徐州荀羨將兵救龔至琅邪  
憚燕兵之強不敢進王騰寇鄆城羨進攻陽都會霖雨  
城壞獲騰斬之

臨沂

舊唐志沂州臨沂縣漢縣

元和志王僧辨城在縣東北五十里梁將王僧辨屯兵于此

水經注沂水南逕中上城西又南逕臨沂縣故城東  
治水注之

卽上

通典漢卽上縣故城在今沂州臨沂縣東南

隋志臨沂舊曰卽上

大業初併入臨沂寰宇記卽上故城在縣理東南五十里晉書王覽封卽上子

繪

地形志琅邪郡卽巨縣有繪城寰宇記故鄆縣城在沂

州費縣東八十里

章懷注在沂州承縣東北有繪山

姑幕

通典漢姑幕縣故城在今密州莒縣東北

寰宇記東北百六十里

水經注浯水東北逕姑幕縣故城東縣有五色土王者

封建諸侯隨方受之

彭城國

魏志彭城仍爲國水經注彭城內有漢司徒袁安魏中

郎將徐庶等碑列植于街右咸曾爲楚相按袁安傳楚

王英已自殺國除故傳云拜爲楚郡太守魏彭城王據

傳太和六年改封諸王皆以郡爲國徐庶爲彭城相非

楚相也酈注誤

魏志蔣濟楚國平阿人此以九江郡爲楚國非彭城國楚王彪仍居白馬遷取

其居

耳

### 彭城

元和志徐州彭城縣漢縣初宋高祖經略中原以彭城

爲要置府于此至文帝時王元謨又上表曰彭城南界

大淮左右清汴城隍峻整襟衛周固自淮以西襄陽以

北經途三千達于齊岱六州之人三十萬戶常得安全

實由此鎮輿地志云郡城由來非攻所能拔按自隋氏



鑿汴以來彭城南控埭橋以扼汴路故其鎮尤重魏書  
尉元傳表分兵置戍進定青冀言若賊向彭城必由清  
泗過宿豫歷下邳趨青州路亦由下邳入沂水經東安  
卽爲賊用師之要今若先定下邳平宿豫鎮淮陽戍東  
安則青冀諸鎮可不攻而克若四處不服青冀雖拔百  
姓狼顧猶懷僥倖之臣愚以爲宜釋青冀之師先言東  
南之地斷劉瓛北顧之意絕愚民南望之心夏水雖盛  
無津渡可由冬路雖通無高城可固如此則淮北自舉  
暫勞永逸通鑑太元三年秦兗州刺史彭超請攻沛郡  
太守戴遂于彭城且曰願更遣重將攻淮南諸城爲征

南棊劫之勢東西並進秦主堅使後將軍俱難右禁將

軍毛盛洛州刺史邵保帥步騎七萬寇淮陽盱台

大興二年

劉遺徐龕擊周撫于寒山破斬之地形志彭城縣有寒山元和志寒山堰在縣東南十八里梁蕭明伐魏堰泗

水以灌

元嘉二十七年魏兵在蕭城去彭城十餘里彭

城兵雖多而食少太尉江夏王義恭欲弃彭城南歸安

北中兵參軍沈慶之以爲歷城兵少食多欲爲函箱車

陳以精兵爲外翼奉二王及妃女直趨歷城分兵配護

軍蕭思話使留守彭城太尉長史何勗欲席卷奔鬱洲

自海道還京師安北長史張暢曰

孝武帝時爲安北將軍

若歷城

鬱洲有可至之理下官敢不高贊今城中乏食百姓咸

有走志但以關扃嚴固欲去莫從耳一旦動足則各自  
逃散欲至所在何由可得今軍食雖寡朝夕猶未窘罄  
豈有捨萬安之術而就危亡之道若此計必行下官請  
以頸血濺公馬蹶武陵王駿謂義恭曰阿父既爲總統  
去留非所敢干道民忝爲城主而委鎮奔逃實無顏復  
奉朝廷義恭乃止魏主至彭城立瓊屋于戲馬臺以望  
城中攻彭城不克引兵南下二十八年魏主自盱台燒  
攻具退過彭城江夏王義恭震懼不敢擊或告虜驅南  
口萬餘夕應宿安王陂水經注獲水與安陂水合去彭城數十里今  
追之可悉得諸將皆請行義恭禁不許明日驛使至上

敕義恭悉力急追魏師已遠義恭乃遣鎮軍司馬檀和  
之向蕭城魏人聞之盡殺所驅者而去泰始二年徐州  
刺史薛安都遣師乞降

先舉兵應晉安王子勛

上以南方旣平欲

示威淮北命鎮軍張永中領軍沈攸之將甲士五萬迎  
安都蔡興宗曰安都歸順此誠非虛正須單使尺書今  
以重兵臨之勢必疑懼或能招引北虜爲患方深上不  
從安都聞大兵北上懼遣使乞降于魏

劉牢之傳進成彭城祇賊劉黎

僭尊號于皇邱牢之討滅之

## 武原

通典漢武原縣故城在今泗州下邳縣北水經注武原

水出武原縣西北縣東山上有石室徐廟南合武水謂之泃水南逕剛亭城又南至下邳入泗謂之武原水口魏書尉元傳薛安都以徐州內附請師救援元與孔伯恭赴之劉瓛遣將張永沈攸之等率眾討安都屯于下磻攸乃分遣羽林監王穆之領卒五千守輜重于武原龍驤將軍謝善居領卒二千據呂梁散騎侍郎張引領二千守茱萸督上租糧供其軍實元以張永仍據險要攻守勢倍懼傷士卒乃命安都與璨等固守身率精銳揚兵于外分擊呂梁絕其糧運善居遁奔茱萸

地形志呂縣有

茱萸山寰宇記茱萸山在縣東北八十五里出茱萸

仍與張引東走武原馳騎追

擊斬首八百餘級武原窮寇八千餘人拒戰不下元親  
擐甲胄四面攻之破穆之外營殺其大半獲其輜重五  
百餘乘以給彭城諸軍穆之破奔于永軍永勢挫力屈  
元乘勝圍之永遂捐城夜遁

傅陽

地形志彭城郡呂縣有偃陽城水經注汴水故瀆東南  
歷粗口中京相璠曰彭城偃陽縣西北有粗水溝去  
偃陽八十里東南流逕傅陽縣故城東北注于汴謂之  
粗口城得其名

呂

元和志漢呂縣故城在徐州彭城縣東五十七里城臨

泗水高一百四十尺周迴十七里此城東二里有三城

一在水南一在水中澤上一在水北並高齊所築以防

陳寇

泗水至呂縣積石爲梁故號呂梁陳將吳明徹以舟師破下邳進屯呂梁堰泗水以灌徐州周將軍

烏丸軌達奚長孺率兵救援軌取車輪數百連鎖貫之橫斷水路然後再募壯士夜決堰至明陳人始覺潰亂

爭歸生擒明徹

水經注泗水又東南流丁溪水注之水上承泗

水于呂縣東南流北帶廣隰高山而注于泗川泗水冬

春淺澀常時排河通道是以行者多從此溪卽陸機行

思賦所云乘丁水之捷岸排泗川之積沙者也晉書謝

元傳太元九年元爲前鋒都督率寇軍將軍桓石虔逕

造渦潁經略舊都元率眾次于彭城患水道險澀糧運艱難用督護聞人爽謀堰呂梁水樹柵立七埭爲派擁二岸之流以利漕運自此公私便利通鑑泰始三年尉元進攻張永弃城夜遁會天大雪泗水冰合永等弃船步走士卒凍死者大半尉元邀其前薛安都乘其後元豫策永必將奔亡身率眾軍邀其走路南北奮擊大破永等於呂梁之東死者以萬數枕尸六十餘里永足指亦墮與沈攸之僅以身免由是失淮北四州之地

留

通典漢留縣故城在今徐州沛縣東南

元和志東南五十五里九城志



沛縣有留城鎮通鑑太元四年彭超置輜重于留城謝元揚聲

遣後軍將軍何謙向留城超聞之釋彭城圍引兵還保

輜重戴遂帥彭城之眾隨謙奔元超遂據彭城元嘉二

十七年魏主命諸將分道並進楚王建自清西進屯蕭

城步尼公自清東進屯留城按水經注清水即泡水之別名通鑑泡作苞非是

梧

按其地當在徐州蕭縣界

菑

按其地當在唐宿州符離縣西水經注睢水又東與澤

湖水合水上承菑縣之澤陂南北百餘里東西四十

里其陂南系于睢水睢水南入丈故溝水注之又東逕  
符離縣故城北

### 廣戚

通典徐州沛縣卽廣戚故城

地形志留縣有廣戚城

水經注泗水

東南流逕廣戚縣故城南又逕留縣西南逕垞城東魏  
志于禁傳將兵詣徐州攻廣戚拔之拜陷陣都尉

### 廣陵郡

地理通釋引元和志廣陵在江都縣北四里州城正直  
其上大江西北自六合縣界流入南對丹徒縣之京口  
舊闢四十餘里  
今闢十八里

### 廣陵

通典揚州江都縣漢廣陵縣州郡志廣陵三國時廢水  
 經注中瀆水自廣陵北出武廣湖東陸陽湖西二湖東  
 西相直五里水出其間下注樊梁湖通鑑黃初六年帝  
 如廣陵故城臨江觀兵戎卒十餘萬旌旗數百里有渡  
 江之志吳人嚴兵固守時天寒冰舟不得入江帝見波  
 濤洶湧歎曰嗟乎固天所以限南北也遂歸孫詔遣將  
 高壽等卒敢死之士五百人于逕路夜要帝獲副車羽  
 蓋以還按廣陵之地吳魏皆空而不有至晉始為重鎮沈志得之通典以為魏為重鎮非晉書  
 劉牢之傳太元初謝元北鎮廣陵時符堅方盛元多募  
 勁勇牢之與何謙諸葛侃高衡劉軌田洛孫無終等以

饒猛應選牢之爲參軍領精銳爲前鋒百戰百勝號爲

北府兵

謝安傳會稽王道子專權安鎮廣陵之步上築壘日新城以避之寰宇記城北二十里築壘名

邵伯

宋書武帝紀高祖與何無忌同舡還京口建興復

之計時桓宏爲征虜將軍青州刺史鎮廣陵道規

高祖弟

爲宏中兵參軍孟昶爲州主簿乃令劉毅潛往就昶聚徒于江北謀起兵殺宏孟昶勸宏其日出獵未明開門

出獵人昶道規毅等率壯士五六十人因開門直入宏

方噉粥卽斬之因收眾濟江

通鑑大明三年討竟陵王譙上命沈慶之爲三烽于

桑里若克外城舉一烽克內城舉兩烽擒  
誣舉三烽胡三省曰桑里在廣陵城西南

江都

寰宇記江都故城在揚州江都縣西南四十六里城臨

江今爲江水所侵無復餘址水經注淮陰縣中瀆水首

受江于江都縣今城臨江昔吳將伐齊自廣陵城東南

築邗城城下據深溝謂之韓江西北至末口入淮自永

和中江都水斷其水上承歐陽埭引江入埭六十里至

廣陵城宋書沈慶之傳大明三年竟陵王誕據廣陵反

慮誕北奔使慶之斷其走路慶之移營白土去城十八

里夕進新亭誕果出走不得去寰宇記吳公臺在縣西

北四里沈慶之所築弩臺後陳將吳明徹圍北齊

東廣州刺史敬子猷增築之以射城內號吳公臺州郡

志三國時廢按吳志孫韶傳爲廣陵太守權稱尊號爲

鎮北將軍詔爲邊將數十年善養士卒得其死力常以

警疆場遠斥堠爲務青徐汝沛頗來歸附淮南濱江屯  
候皆徹兵遠徙徐泗江淮之地不居者各數百里而張  
遼傳帝遣遼與曹休至海陵臨江權甚憚焉敕諸將張  
遼雖病不可當也遼與諸將破權將呂範遼病遂篤薨  
于江都是則先前當爲魏所屯由于孫詔開拓之故孫  
亮五鳳二年使衛尉馮朝城廣陵拜將軍吳穰爲廣陵  
太守留略爲東海太守漸就經略也舊唐志永淳元年  
分江都縣置揚子縣此爲漢之江都縣地吳志孫策傳  
堅薨還葬曲阿已乃渡江居江都吳應曰策在江都時  
張紘有母喪策數詣  
紘資以世務紘曰君紹先侯之執有饒武之名若投丹  
陽收兵吳會則荆揚可一警敵可報據長江奮威德誅

除羣穢匡輔漢室方今世亂多難若功成事立當與同好俱南濟也策曰與君有承固之分今便行矣以老母弱弟委付策無復回顧之憂

孫亮太平元年孫峻用文欽計征魏遣欽及驃騎呂據車騎劉纂等軍自江都入淮泗峻卒據

等聞緄代峻大怒據引兵還欲討緄遣孫憲及丁奉施

寬等以舟兵逆據于江都獲據于新洲

胡三省曰新洲在京口西大江

中宋武帝伐荻新洲亦此

### 高郵

通典揚州高郵縣漢舊縣州郡志三國時廢大康元年

復立

隋志梁以有嘉禾爲神農郡開皇初郡廢又併竹塘三歸臨澤二縣入焉寰宇記隋大業中移于樊

梁鎮永徽二年復舊所運河在縣郭下

平安

通典楚州安宜縣漢平安縣地魏鄧艾築石甃城在今

縣西八十里以營田

舊唐志肅宗上元三年于此縣得定國寶十二因改元寶應仍改安

宜爲寶應縣

通鑑太元四年秦俱難彭超拔盱眙貽執高密內

史毛瓌之秦兵萬圍幽州刺史田洛于三阿

胡三省曰三阿在今

寶應軍之地

謝元傳元西討難等何謙解田洛圍進據白馬

與賊大戰破之斬其僞將顏因

隋志安宜縣有白馬湖按州郡志南兗州亦

置東燕郡白馬縣

凌

寰宇記漢凌縣在今淮陽軍宿遷縣東南五十里晉承



嘉後省水經注凌水出凌縣東流逕其縣故城東東南  
流注于淮實曰凌口泗水又東逕凌柵南西征記曰舊  
陵縣之治魏書孔伯恭傳沈攸之吳熺公等率眾數萬  
來援下邳伯恭遣子都將侯汾等率騎五百在水南奚  
斤等五百騎在水北邀之伯恭密遣火車攻俱欲水陸  
俱進攸之等既聞將戰退保樊階城伯恭又令子都將  
孫天慶等步騎六千向零中峽斫木斷清水路劉劭甯  
朔將軍陳顯達領眾二千溯清而上以迎攸之屯于睢  
清合口伯恭率眾渡水大破顯達軍攸之聞顯達軍敗  
順流退下伯恭從睢陵城東向零中峽分軍爲二道遣

司馬范師子等在清南伯恭在清西與攸之合戰遂大破之按零中峽卽水經注之凌口凌訛爲零耳

### 東陽

通典漢東陽縣故城在楚州盱眙縣東

寰宇記在縣東七十五里北至

東陽山周四十里

魏志注陳登除東陽長是時世荒民饑州牧

陶謙表登爲典農校尉晉書荀美傳除北中郎將徐州

刺史北鎮淮陰屯田于東陽之石鼈通典

食貨二

北齊廢

帝乾明中尙書左丞蘇珍芝又議修鼈等屯歲收數十

十萬石自是淮南軍防糧足

隋志開皇初石鼈縣廢入安宜

謝元傳移

### 鎮東陽城

射陽

通典楚州山陽縣漢射陽縣地安帝立山陽郡

州郡志晉安帝

義熙中土斷分廣陵立縣與郡俱立

穆帝時中郎將荀美北征請云淮陰

重鎮地形都要水陸交通易以觀疊沃野有開植之利

方舟運糧無地屯兵乃營立城池水經注自廣陵出山

陽白馬湖逕山陽城西卽射陽縣之故城也城本北中

郎將庾希所鎮

晉書庾希傳初郭璞筮水云子孫必有大禍惟甲三陽可以免故希求鎮山陽

弟友爲東陽郡並家于暨陽

中瀆水又東謂之山陽浦又東入淮謂

之山陽口

舊道東北出至博芝射陽二湖西北出夾邪乃至山陽永和忠湖道多風陳敷周穿樊

梁湖北口下注津湖蔣濟傳作精湖在寶應縣南六十里渡十二里方達北口直至夾邪與甯中復以津湖多

風又自湖之南口沿東岸二十里穿渠入北口自後行者不復由湖故蔣濟三州論曰淮湖紆遠水陸異路山陽不通陳敏穿溝更

鑿馬頰百里渡湖

魏志蔣濟傳車駕幸廣陵戰舡數

千到精湖湖水稍盡盡留舡付濟舡本歷適數百里中濟更鑿地作四五道蹴舡令聚豫作土豚遏斷湖水皆引後舡一時開遏入淮中帝還洛陽謂濟曰事不可不曉吾前決謂分半燒舡于山陽池中卿于後致之略與吾俱至譙又每得所陳實入吾意自今討賊計畫善思論之通典

兵

後漢末孫策攻陳登于匡琦城賊初到旌

甲覆水羣下眾寡不敵登乃閉門自守示弱不戰將士銜聲寂若無人登觀形勢知其可擊乃申命士眾宿整

兵器昧爽開南門引軍指賊營步騎鈔其後賊周章方

結陣不得還舩登縱兵乘之賊遂大敗

按吳志注江表傳廣陵太守陳

登治射陽登卽瑀之從兄子策前西征登復遣間使以印綬與嚴白虎圖爲後患以報瑀見破之辱据北則匡琦城當在射陽孫策魏志陳矯傳作孫權非

通鑑元嘉二十八年初上聞魏

將入寇命廣陵太守劉懷之逆燒城府舩乘盡帥其民渡江山陽太守蕭僧珍悉歛其民入城臺送糧仗詣盱眙及滑臺者以路不通皆留山陽蓄陂水令滿須魏人至決以灌之魏人過山陽不敢留因攻盱眙

州郡志三國時廢

鹽瀆

通典楚州鹽城縣漢鹽瀆縣晉安帝更名吳志孫堅討

會稽妖賊許章刺史臧旻列上功狀除堅鹽漬丞

輿

州郡志輿縣元嘉十三年省併江都寰宇記江都縣有  
輿浦晉書桓彝傳徐甯爲輿縣令彝嘗去職至廣陵尋  
親舊還遇風停浦中累日憂悒因上岸見一室宇有如  
解署訪之云是彛縣乃造之甯清惠博涉相遇欣然彝  
大賞之至都謂庾亮曰吾爲卿得一佳吏部郎

堂邑

通典揚州六合縣漢曰堂邑縣州郡志晉惠帝永興元  
年分臨淮淮陵立堂邑郡安帝改堂邑爲秦郡

陳齊吳  
明徵秦

郡隋志六合縣舊曰尉氏縣開皇四年改省堂邑方山

二縣入又後齊置瓦梁郡有瓜步山六合山吳志赤烏

十三年遣軍十萬作堂邑涂塘以淹北道

王凌傳賊塞涂水凌欲因

此大嚴諸軍表求討賊詔報不聽

晉書陳騫傳攻拔吳枳里城破涂中

屯戍琅邪王佃傳平吳之役率眾數萬出涂中祖約傳

約屯壽陽爲石聰所逼約屢表請救而官軍不至朝議

欲作涂塘以遏胡寇約謂弃已彌懷憤恚

胡三省曰作涂塘則壽春

當在涂塘之外

通鑑太元四年遣征虜將軍謝石帥舟師屯涂

中右衛將軍毛安之等帥眾四萬屯堂邑秦毛當毛盛

帥騎二萬襲堂邑安之等驚潰宋書檀祗傳高祖北伐

亡命司馬

缺

寇涂中秦郡太守劉基求救分軍掩討卽

破斬之通鑑元嘉二十七年魏主至瓜步壞民廬舍伐

葦爲筏聲言欲渡江建康震懼民皆荷擔而立魏主整

瓜步山爲幡道于其上設瓊屋二十八年大會羣臣于

山上緣江舉火太子左衛率尹弘言于上曰六夷如此

必走魏掠居民而去

王應麟曰涂水今名瓦梁河南唐于涂水上立清流關瓦梁堰卽涂

塘有東西

瓦梁城

海西

按其地當在海州贛榆縣西南通鑑建安元年呂布襲下邳備聞之引還比至下邳兵潰備收餘兵東取廣陵



與袁術戰又敗屯于海西饑餓困蹙吏士相食從事東

海糜竺以家財助軍備請降于布建安二年吳郡太守

陳瑀呂範傳下邳陳瑀自號吳郡太守住海西江表傳同陰圖襲孫策潛結祖郎

嚴白虎等使爲內應策覺之遣其將呂範徐逸攻瑀于

海西範傳烏其大將陳牧瑀敗單騎奔袁紹

### 海陵

補通典揚州海陵縣漢舊縣寰宇記泰州興化泰興如

皋三縣皆海陵縣地按彪志缺此縣州郡志後漢海陵

屬廣陵三國時廢太康元年復立吳志呂岱傳廣陵海

陵人避亂南渡孫權統事岱留幕府此則廣陵有海陵

縣也吳志江表傳曰孫策攻破劉繇別將于海陵晉書  
庾希傳桓溫陷倩及柔以武陵王黨殺之希與弟邈及  
子攸之逃于海陵陂澤中聚眾于海濱略漁人舩夜入  
京口城溫遣東海太守周少孫討之城陷被擒毛璩傳

下邳國

州郡志光武以併東海明帝永平十五年復分臨淮之  
故地爲下邳郡

下邳

元和志泗州下邳縣漢縣水經注下邳城有三重其大  
城中有大司馬石苞鎮東將軍胡質司徒王渾監軍呂

崇四碑南門謂之白門魏武擒陳宮于此處中城呂布所守小城晉中興北中郎將荀美郗曇所治蜀志先主殺徐州刺史車胄留關羽守下邳晉書蔡約傳泰山太守徐龕叛詔征虜將軍侯禮臨淮太守劉遐與豹共討之諸將畏愞頓兵下邳不敢進通鑑泰始三年上復遣中領軍沈攸之等擊彭城攸之以爲清泗方涸糧運不繼固執以爲不可使者七返上大怒強遣之攸之至焦墟去下邳五十餘里陳顯達引兵迎攸之至睢清口魏孔伯恭擊破之攸之引兵退伯恭追擊之攸之大敗入保顯達營夜眾潰尉元以書諭徐州刺史王元載元載

奔下邳走彪志云下邳木屬東海按陳蕃傳東海相黃浮誅殺下邳令徐宦者傳云時下邳屬東海此必先已割歸下邳漢季復隸東海彪但據前志文耳又金石錄有祝長嚴詵碑其文云下邳祝長洪氏隸續以爲漢無祝縣下關一字東海有祝其疑此邑嘗隸下邳碑爲和平元年則與下邳屬東海時相去不遠蓋彼此互易

徐

元和志泗州徐城縣漢徐縣

舊唐志長安四年割徐城南界兩鄉于沙熟淮口置

臨淮縣

開皇十八年改爲徐城又漣水縣本漢朐猶縣後

漢爲徐縣之地寰宇記故徐城在徐城縣北三十里

淮陽

城在徐城縣東北一百五十里晉安帝所置

水經注淮水又東逕徐縣南歷

澗水注之水導徐城西北徐陂陂水南流絕斬水逕歷

澗成西京南流注于淮

地形志高平郡治大徐城宋沛縣徐君墓卽延陵季子挂劍處

按張禹爲下邳相徐縣北界有蒲陽陂傍多良田禹爲開水門通引灌溉遂成熟田數百頃大收穀實

僮

通典漢僮縣故城在泗州宿遷縣西南寰宇記宿州虹縣東北七十里水經注睢水又東與僮水故瀆會舊上承僮縣西南潼陂水東北流逕僮縣故城北

睢陵

寰宇記漢睢陵縣故城在今睢陽軍下邳縣東南水經注睢水又東逕睢陵縣故城北通鑑秦始皇二年徐州刺史薛安都舉兵應尋陽濟陰太守申闡據睢陵應建康

安都遣其從子索兒太原太守傅靈越等攻之徐州刺史申令孫進據淮陽請降于索兒索兒攻申闕久不下使令孫入睢陵說闡闡出降索兒并令孫殺之

下相

通典下相城在泗州宿遷縣西北

元和志縣西北七十里

水經注

泗水東南逕下相縣故城東城之西北有漢太尉陳綏墓其睢水東南流逕下相縣故城南東南流入于泗謂之睢口宋書沈攸之傳攸之還至下邳陳顯達于睢口爲虜所破

淮陰

寰宇記楚州淮陰縣本漢舊縣

舊唐志乾封二年分山陽縣置于隋舊廢縣蓋

遙依舊名非漢晉之淮陰

水經注淮水右岸卽淮陰也城西二里有

公路浦昔袁術向九江將東奔袁譚路出斯浦晉書裴

秀傳裴盾爲徐州刺史委任長史司馬奧奧勸盾刑殺

立威劉元海將王桑趙固而彭城盾奧奔淮陰妻子爲

賊所得奧又誘盾降趙固固妻盾女有寵盾向女涕泣

固遂殺之劉遐傳大甯初代王邃鎮淮陰通鑑建興元

年祖逖屯淮陰起冶鑄兵募得二千餘人而後進沈攸

之傳攸之還淮陰自率運米下邳并鑿四周深塹遣龍

驤將軍垣護之領民口還淮陰

胡三省曰魏之廣陵治淮陰漢之廣陵故城廢

弁不  
治

淮浦

其地當在楚州山陽縣東北此縣在漢季似屬廣陵水  
經注淮水東至廣陵淮浦縣入于海魏志徐宣傳還廣  
陵與陳矯並爲綱紀海西淮浦二縣民作亂都尉衛彌  
令梁習夜奔宣家太祖遣督軍扈質來討賊以兵少不  
進宣潛見責之示以形勢質乃進破賊或彪志只據順  
帝土斷也

吳志劉繇傳避亂淮浦  
詔書以爲揚州刺史

盱台

舊唐志楚州盱台縣漢縣州郡志晉安帝分立盱台郡



寰宇記本春秋時善道地魯襄公五年會吳之處都梁山在縣南十六里斗山在縣西南水經注淮水又東歷容山逕盱台縣故城南淮水又東逕廣陵淮陽城南城北臨泗水阻于二水之間述征記淮陽太守治自後置戍縣亦有廢興州郡志淮陽郡晉安帝義監中土斷立通鑑太元四年兗州刺史謝元自廣陵救三阿秦將俱難彭超戰敗退保盱台元與田洛帥眾五萬進攻盱台難超又敗退屯淮陰元遣何謙等帥舟師乘潮而土夜焚淮橋邵保戰死難超退屯淮北元與何謙戴遂田洛其追之戰于君川復大破之難超北走僅以身免宋書臧質傳質軍奔散

單七百人投盱台盱台太守沈璞完爲守戰之備城內有實力三千質大喜因其守虜初南出後無資糧惟以百姓爲命及過淮公平越石鼈二屯穀至是鈔掠無所人馬饑困聞盱台有積粟欲以爲歸路之資一攻城不拔便引眾內向城內增修守備莫不完嚴二十八年拓跋燾自廣陵北返悉力攻盱台就質求酒質封洩便與之虜怒甚築長圍一夜便合開攻道趣城東北運東山土石填之虜又恐城內水路遁走乃引大船于軍山通鑑作君作浮橋以絕淮道虜以鈎車鈎垣樓城內繫疆絙數百人叫喚引之車不能退旣夜以木桶盛人懸人出

城外截鉤獲之明日又以衝車攻城城土堅密每至頽  
落不過數升虜乃肉薄登城分番相代墜而復升莫有  
退者殺傷萬計虜死者與城平如此三旬燾聞彭城斷  
其歸路京邑遣水軍自海入淮且疾疫乃解圍遁走

輿地

廣記泗州盱台縣晉安  
帝時置角城鎮非也

### 高山

地無攷按臧質傳盱台城東有高山質慮虜擄之使胡  
崇之臧澄之二軍營于山上胡三省曰東山在今盱台  
城東南東山之北則高家山高家山之東則陡山稍南  
則都梁山縣或取此爲名

潘旌

無攷前志作播旌

淮陵

元和志濠州招義縣本漢淮陵縣宋孝武自淮北徙睢

陵縣改爲池南縣陳爲招義縣浮山堰在縣西北六十

里梁天監十三年與荆山堰同時所築寰宇記古淮陵城在縣西北二

十五州郡志惠帝永甯元年以爲淮陵國晉分蘇峻傳

周堅反于彭城峻助討有功除淮陵內史

取慮

寰宇記漢取慮縣故城在今淮陽軍下邳縣西南水經

注睢水逕取慮縣故城北昔汝南步游張少失其母及  
爲縣令遇母于此烏慈水出縣西南烏慈渚與長直故  
瀆合州郡志盱眙郡有直瀆縣北流注于睢通鑑初平四年曹操攻  
郟不能克乃攻取慮睢陵夏丘皆屠之雞犬亦盡墟邑  
無復行人

### 東成

前志臨淮無東成此志九江無東城當卽九江之東城  
也通典漢東城縣在今濠州定遠縣東南又和州烏江  
縣本烏江亭漢東城縣水經注淮水及東池水注之水  
出東城縣以數千騎追羽羽帥二十八騎引東城因四

隕山斬將而去卽此處

寰宇記四隕山在和州烏江縣西北七十五里

池水又

東北流歷二山之間東北入于淮謂之池河口

晉書王

彥吳護軍李純據高望城九域志烏江縣有高望鎮

### 曲陽

濠州定遠縣乃九江郡之西曲陽非此曲陽也當在楚州山陽縣東北章懷注故城在今海州朐山縣西北

### 司吾

寰宇記漢司吾縣故城在今淮陽軍宿遷縣西北十里故泗陽縣後漢省故城在縣東南八里魏陽故城是也水經注泗水又東南逕魏陽城北城枕泗川陸機行思賦曰行魏陽之枉渚故無魏陽疑卽泗陽縣故城也

角城在今縣東南一百十里縣道記云舊理在淮之北

泗之西亦謂之泗城

州郡志晉安帝義熙中置淮陽郡有角城宿預縣

水經注

橫溝水東入沐故瀆西南流逕司吾山東又逕司吾縣

故城西楚執鍾吾子以爲司吾縣又西南至宿預注泗

水泗水又逕宿預城之西晉元皇之爲安東

將軍

督運軍

諸而爲邸閣魏太和中南徐州治後省爲戍梁將張惠

紹北入水軍所次憑固斯城今城在泗水之中又云淮

泗之會卽角城也左右兩川翼夾二水決入之所所謂

泗口

按前志有公猶縣後漢蓋并入司吾唐之泗州德水縣也今考角城宿豫皆在公猶縣境故附議之

晉書劉隗傳拜鎮北將軍率萬人鎮泗口卞敦傳時石

勒侵逼淮泗帝求良將公卿舉敦除征虜將軍徐州刺史鎮泗口及勒寇彭城敦自度力不能支與征北將軍邃退保盱眙賊勢遂張褚裒傳石季龍死裒上表請伐之卽日戒嚴直指泗口通鑑大甯三年後趙將兵都尉石瞻寇下邳彭城取東莞東海劉遐退保泗口義熙五年南燕將慕容興宗斛穀提公孫歸等帥騎寇宿豫拔之宿豫始見泰始三年沈攸之眾潰還淮陰孔伯恭進攻宿豫宿豫戍將魯僧遵亦弃城走魏將孔大桓將千騎南攻淮陽淮陽太守崔武仲焚城走

良城



寰宇記漢良城縣故城在今淮陽軍下邳縣北六十里  
舊唐志貞觀元年省良城縣入下邳

夏丘

通典漢夏丘縣故城卽今泗州虹縣城

舊唐志宿州虹縣隋曰夏丘故

城元和割屬宿州

元和志赤坎故城在縣西南五十九里梁天

監八年置赤坎戍潼陂一名萬安湖在縣北五里水經注潼水首受潼陂南逕夏丘縣故城西逕臨潼戍西又

東南至嶮石山西南入淮又長直故溝東入夏丘縣

補東城通鑑永嘉四年揚州都督周馥以洛陽孤危上

書請遷都壽春太傅越以馥不先白已而直上書大怒

召馥及淮南太守裴碩馥不肯行令碩先帥兵進碩詐  
稱受越密旨襲馥爲馥所敗退保東城

胡三省曰東城縣漢屬九江後

漢屬下邳胡氏亦謂卽九江之東城

後漢書疏證卷十七

浙江書局刊

孫祖燕校

王拱辰校

高培森校